

928
1)

李羣玉詩集






李群玉詩

集


四部叢刊集部

上海涵芬樓借上元
鄧氏三李盒藏宋刊
書棚本景印魚書板
匡高營造尺五寸四
分寬四寸一分

余藏宋板唐人書亦不夥
亦多散逸將書而呈精極妙者尚有一種歷
經名藏藏弄世罕其匹也猶憶
嘉慶末珍集為
屠賓端同年所贈六得自送考全後時冷難收
得其為安於燈則同於農村者貴氣以者
貴識皆筆架手得必珍斯印正其集而外此
二集因想當時以特藏書
之氣勝於今日印
藏書之人優於紙筆者固
尚多而收今因
肉者而古試問物之所出果
知為真宋板乎

抑視為在實字板也。身恐多入子。身皆正此。
 所轉者有。今賜人。就讀。既。平。
 善。得。不。致。湮。沒。身。家。端。之。清。豈。集。在。
 甲寅年。今。集。之。得。之。考。集。在。癸未年。事。沛。
 之。朝。時。而。世。初。進。了。相。對。了。遂。生。一。段。
 奇。司。也。印。而。跋。書。於。碧。石。之。首。後。
 跋。也。於。屏。之。尾。立。而。醒。絡。也。皆。
 不。可。分。向。之。之。之。上。已。後。之。言。之。身。寫。美。大。
 此。之。命。氏。之。二。意。應。
 

卷中舊白感書。永固記。皆散見於善書。
 唯此馮氏諸印。未曾一見。想此海。虛。諸。隔。族。
 類也。乾。學。徐。健。菴。兩。印。二。俱。鈐。在。留。上。似。
 其。先。不。印。歸。於。徐。其。後。又。不。幸。於。徐。物。之。轉。
 徙。應。之。矣。今。仍。在。古。以。以。得。之。得。後。又。將。味。
 局。中。竹。塢。玉。蘭。堂。辛。亥。館。皆。為。局。中。人。家。
 藏。書。所。是。寓。之。一。說。實。學。以。此。于。天。地。之。間。
 物。寫。人。何。物。不。寫。印。信。而。兩。從。句。以。定。之。意。
 向。傳。常。熟。之。居。園。之。見。良。常。汲。古。齋。馬。與。一。
 之。兩。事。勝。靜。觀。二。字。早。矣。既。之。考。相。思。過。

書棚存傳是樓頭幾轉移信宿傷人
 堂館勝玉團開後又幸其
其意亦在愛
其意亦在愛
其意亦在愛
 起共得絕句十首皆不
其意亦在愛
 二首三參錯書之故記以弟於此是也
 三月廿日晨




李羣玉詩集

進詩表

草澤臣羣玉言臣宗緒凋淪丘山賤品幽沉江
 介分託漁樵伏遇

皇帝陛下運屬昇平率土歡泰沐雨露亭育之
 化在薰風長養之間願同率舞之誠遠逐越常
 之貢頃以鼓腹勛華之代怡情林阜之隈涵泳
 皇風殆忘仕進以至年踰不惑痾恙暴侵但慮
 寒餓江湖之濱與枯魚涸蚌為伍瞑目黃壤虛
 謝文明是以徒步負琴遠至輦下謹捧所業歌



行古體詩今體七言今體五言四通等合三百
首謹詣光順門昧死上進伏以卿雲在天草木
五色廣野之氣燭為祥煙熙熙含生盡躋壽域
白日亭午物無斜陰而方今風后提衡庶尹咸
又言語侍從之列皆嚴徐班馬之倫凡在墨客
詩人歌詠聲明文物不暇何議諷刺興於筆端
臣所貢前件歌詩以居住沅湘宗師屈宋楓江
蘭浦蕩思搖情蕪類之餘過於飄野天文不到
徒窺星漢之高滄海攸歸豈阻潢汙之陋然則
爨桐不爆俄成曲突之煙埋劍無光永作幽泉

之鐵巴濮下調塵觸天聰螻蟻之微伏待刑戮
謹拜表陳獻以聞無任焚灼隕越屏營之至臣
羣玉誠惶誠恐頓首死罪謹言

延英口宣勅旨

卿所進歌詩異常高雅朕已遍覽今有少錦綵
器物賜卿宜令領取夏熱卿比平安好

薦處士李羣玉狀

大學士僕射
令狐相公綯

右苦心歌篇屏跡林壑佳句流傳於眾口芳聲
籍甚於一時守道安貧遠絕名利當文明之聖
代宜備搜羅俾典校於瀛洲佇光志業臣等今

日延英已面陳奏狀伏奉

聖旨令與一文學官者臣等商量望授弘文館
校書郎未審可否謹具奏

聞伏聽

勅旨

李羣玉放懷丘壑吟詠情性孤雲無心浮
磬有韻吐妍詞於麗則動清律於風騷冥
鴻不歸羽翰自逸霧豹遠迹文彩益奇信
不試而逾精能久幽而獨樂念其求志可
以言詩用示繫維俾之刊校可守弘文館

校書郎

中書侍郎兼戶部尚書平章事臣令狐綯
宣奉司勳郎中知制誥臣鄭處約行

臨安府棚前睦親坊南陳宅書籍鋪刊行



李羣玉詩集目錄



癸巳九月海寓收

卷



歌行古體



烏夜啼

寄短書歌

昇仙操

王內人琵琶引

醒起獨酌懷友

競渡時在湖外
偶成此章

兩夜呈長官

小弟艤近書來

贈方處士


秋怨

盛春

山中秋夕

登楞伽臺別羽客

盧溪道士



湖中古愁三首

別狄佩

古鏡

我思何所在

送蕭綰之桂林

感興四首

留別坐中諸侶

大雲池泛舟

送友人之峽

寄鄭判官兼簡空上人

靜夜相思

江樓獨酌懷從叔

登章華樓

驄馬

贈方處士兼寫別

湘西寺霽夜

傷思

送鄭京昭之雲安

送處士歸別業

微上人話金山

寄巴丘故人

東遊投從公負外

洞庭驛樓燕集

滄洲

送鄭子寬

九日登樓觀舞二首

惠石廩方及團茶

宿鳥遠峽化臺

岳陽春晚

漢陽春晚

奉懷沈正字昆仲

湘中別成威閣黎

別尹練師

卷中

今體七言

長沙春望寄故人

金塘路中

自遣

送于少監

韋明府致石鯽鱠

獲顧長康月宮真影

玉真觀

辱于中丞書信

送崔使君禱雨

重經巴丘

湘陰江亭寄友人

哭郴州王使君

九日楊公臺宴集

和張舍人送秦練師

送陶少府赴選

寄張祜

寄長沙許侍御

望月懷友

和吳中丞悼笙妓

薛侍御處乞靴

九子坡聞鷓鴣

從叔祭廣利王廟

紫極宮兩夜愁坐

盧逸人隱居

江樓懷關中親故

請告歸留別同館

寄友二首

桃源

題王侍御宅

聞湘南從叔朝覲

漢陽太白樓

送客

澧陵道中

校書叔遺暑服

贈魏三十七

酬崔表仁

旅遊番禺獻涼公

長沙元門寺畫壁

出春明門

卷下

今體五言

新荷

初月二首

石緒

雲安

石頭城

湖闊

失鶴

雪霽聽笙寄杜中丞

陪裴大夫登北樓

登蒲澗寺後三首

早鴻

旅泊

半醉

晝寢

晚蓮

留別湖南幕府

宵民

吾道

與三山人夜話

春寒

廣江驛餞筵留別

桑落洲

杜門

封貢外郡齋雙鶴

經費拾遺所居

送秦練師

送遷客北歸

陪崔大夫宴

送房處士閑遊

贈花

洞庭風雨二首

臨水薔薇

中秋維舟君山看

桂州經佳人故居

池塘晚影

青鷁

傷小女凝兒

客愁二首

放魚

蓮葉

朝賣藥翁

洞庭乾二首

李羣玉詩集目錄終



宋

李羣玉詩集卷上

歌行古體詩

烏夜啼



層波隔夢時一望青楓林有鳥在其間達曉自
悲吟是時月黑天四野煙雨深如聞生離哭其
聲痛人心悄悄夜正長空山響哀音遠客不可
聽坐愁華髮侵既非蜀帝魂恐是怕山禽四子
各分散母聲猶至今

寄短書歌

骨肉萍蓬各天末十度附書九不達孤臺冷眼

無來人楚水秦天莽空闊
翔鴈橫秋過洞庭西
風落日浪崢嶸
三年音信凝
顰外一曲哀歌白
髮生

昇仙操

羸女去秦宮
瓊簫飛碧空
鳳臺閉煙霧
鸞吹飄
天風復聞周太子
亦遇浮丘公
叢簧發天弄
輕舉紫霞中
濁世不久駐
清都路何窮
一去霄漢
上世人那得逢

王內人琵琶引

檀槽一曲黃鐘羽
細撥紫雲金
鳳語萬里胡天

海塞秋分明
彈出風沙愁
三千策嬪推第一
歛黛傾髮艷
蘭室羸女停
吹降浦簫帝娥
淨掩空波
瑟翠幕橫雲
蠟焰光銀龍
吐酒菊花香
皓腕翻

醒起獨酌懷友

西風靜夜吹蓮塘
芙蓉破紅金粉香
摘花把酒
弄秋芳
吳雲楚水愁
茫茫美人此夕
不入夢
獨宿高樓明月涼

競渡時在湖外偶爲成章

電逝三千兒
綵舟盡檝射
初暉喧江播鼓

鱗甲動三十六龍銜浪飛靈均昔日投湘死千
古沉魂在湘水綠草斜煙日暮時笛聲幽遠愁
江鬼

雨夜呈長官

遠客坐長夜雨聲孤寺秋請量東海水看取淺
深愁愁窮重於山終年壓人頭朱顏與芳景暗
赴東波流鱗翼俟風水青雲方阻脩孤燈冷素
艷蟲響寒房幽借問陶淵明何物號忘憂無因
一酩酊高枕萬情休

小弟艤南遊近來書

湘南客帆稀遊子寡消息經時停尺素望盡雲
邊翼笑言憑夢寐獨立想容色落景無來人脩
江人天白停停倚門念瑟瑟風雨夕何處泊扁
舟迢遞湍波側秋歸舊窻竹永夜一淒寂吟爾
鶴鴒篇中宵慰相憶

贈方處士

白衣方外人高閑溪中鶴無心戀稻梁但以雲
泉樂赤霄終得意天池俟一躍歲晏入帝鄉期
君在寥廓

秋怨一作悲

瑟瑟涼海氣西來送愁容金風死綠蕙玉露生
寒松所思在冥碧無因一相逢登樓睇去翼目
盡滄波重虛窻度流螢斜月啼幽蛩踈紅落殘
艷冷水凋芙蓉歲暮空太息年華逐遺蹤凝情
耿不寐攬涕起踈慵

盛春

春情不可狀艷艷令人醉暮水綠楊愁深認落
花思吳宮新暖日海燕雙飛至愁思逐煙光空
濛滿天地

山中秋夕

抱琴出南樓氣爽浮雲滅松風吟天簫竹路踏
碎月後山鶴唳定前浦荷香發境寂良夜深了
與人間別

將遊羅浮登廣陵楞伽臺別羽客

清遠登高臺晃朗縱覽歷濯泉喚仙風於此盪
靈魄冷光激遠目百里見海色送雲歸蓬壺望
鶴滅秋碧波瀾收日氣天自回澄寂百越落掌
中十洲點空白身居飛鳥上口詠玄元籍飄如
出塵籠想望吹簫客冥冥人間世歌笑不足惜
竭來羅浮顛披雲練瓊液謝公雲岑興可以躡

高跡吾將抱瑤琴絕境縱所適

盧溪道士

曉發潺湲亭夜宿潺湲水風篁掃一作拂石瀨琴聲九十里光奔覺來眼寒落夢中耳曾向三峽行巴江亦如此

湖中古愁三首

涼風西海來直渡洞庭水脩脩木葉下白浪連天起蘅蘭委皓霜百草一時死摧殘負志人感歎何窮已

昔我覩雲夢窮秋經汨羅靈均竟不返怨氣成

微波真桂開古祠朦朧入幽蘿落日瀟湘上淒

涼吟九歌

南雲哭重華水死悲二女天邊九點黛白骨迷處所朦朧波上瑟清夜降北渚萬古一雙魂飄飄在煙雨

別狄佩

梁公玄孫
旅于南國

翠柳不着花鳳雛長忍飢未開丹青翻空把碧梧枝聖人奏雲韶祥風一來儀文章耀白日衆鳥莫敢窺苑柳不自言凡鳥何由知當看九千仞飛出太平時

古鏡

明月何處來朦朧在人境得非軒轅作妙絕世
莫並瑤匣開旭日白電走孤影泓澄一尺天徹
底涵霜景冰輝凜毛髮使我肝膽冷忽驚行深
幽面落九秋井雲天入掌握爽即神魄淨不必
負局仙金沙發光烟陰沉蓄靈恠可與天地永
恐爲悲龍吟飛去在俄頃

我思何所在

我思何所在乃在陽臺側良宵相望時空此明
月色歸魂泊湘雲飄蕩去不得覺來理舟楫波

浪春湖白煙光皓楚秋瑤草不忍摘因書天末
心繫此雙飛翼

送蕭綰之桂林

時羣玉
遊豫章

蘭香佩蘭人三弄蘭江春爾爲蘭陵秀芳藻驚
常倫粲粲鳳池裔一毛今再新竹花不給口惟
悴清湘濱一朝南溟飛彩翮不可親蒼梧雲水
晚離思空凝顰我亦縱煙棹西浮彭蠡津丈夫
未虎變落魄甘風塵大禹惜寸陰況我無才身
流光銷道路以此生嗟辛萬里闊分袂相思杳
難申桂水秋更碧寄書西上鱗

感興四首

子雲吞白鳳遂吐太玄書幽微十萬字枝葉何
扶疏婉變猛虎口甘言累其初一覩美新作斯
瑕安可除

昔竊不死藥奔空二姮娥盈盈天上孤艷潔栖
金波織女了無長宵隔銀河軋軋揮素手幾
時停玉梭

洞房三五夕金釭凝燄滅美人抱雲和斜倚紗
窻月沉吟想幽夢閨思深不說絃冷玉指寒含
顰達明發

鴈口銜邊秋寒聲落燕代先驚愁人耳顏髮潛
銷改凝雲蔽洛浦夢寐勞光彩天邊無書來相
思淚成海

將之吳越留別坐中文酒諸侶

秋色滿水國江湖興蕭然氛埃歛八極萬里淨
澄鮮溱浦縱孤棹吳門渺三千迥隨衡陽鴈南
入洞庭天早聞陸士龍矯掌誇山川非思鱸魚
膾且弄五湖船暝泊遠浦霞曉飯蘆洲煙風流
訪王謝佳境恣洄沿霜剪別岸柳香枯北池蓮
歲華坐搖落戚戚感流年明朝即漂萍離恨無

由宜相思空江上何處金波圓

大雲池泛舟

九月蓮花死萍枯霜水清船浮天光遠棹拂翠
瀾輕古木了無煙靄生游鱗泳皎潔洞
見逍遙情漁父一曲歌滄浪遂知名未知斯水
上可以濯吾纓

送友人之峽

東吳有賦客願識陽臺仙彩毫飛白雪不減郢
中篇楚水五月浪輕舟入暮煙巫雲多感夢桂
檝早迴旋

登宜春醉宿景皇寺寄鄭判官兼簡空上人

曉發碧水陽暝宿金山寺松風灑寒雨浙瀝醒
餘醉夜中香積飯蔬粒俱精異境寂滅塵愁神
高得詩思皎皎滎陽子芳春富才義漲海豁心
源冰壺見門地碧霄有鳩序未展聯行翅但笑
一尺繩三年絆騏驥摧藏擔簦客鬱抑曾襟事
名業兩未從臨風嘿舒氣一身眇雲嶺中夜空
涕泗側枕對孤燈衾寒不成寐糧薪極桂玉大
道生榛刺取息惡木陰難書劍歌意揚鞭入莽

蒼山驛凌煙翠越鳥日南飛芳音願相次

靜夜相思

山空天籟寂水榭延輕涼浪定一浦月藕花開
自香

江樓獨酌懷從叔

水國發爽氣川光靜高秋酣歌金樽酥送此清
風愁楚色忽滿目灘聲落西樓雲翻天邊葉月
弄波中鈞芳意悵搖落蘅蘭謝汀洲長吟碧雲
合悵望江之幽

登章華樓

楚子故宮地蒼然雲木秋我來覽後事落景空
生愁霸業沒荊棘雄圖成古丘沉吟問鼎語但
見東波流征鴻引鄉心一去何悠悠晴湖碧雲
晚暝色空高樓迢遞趨遠嶠微茫入孤舟空路
不堪望西風白浪稠

驄馬

浮雲何權竒絕足世未知長嘶清海風蹀躞振
雲絲由來渥洼種本是蒼龍兒穆滿不再活無
人崑閬騎若識嶠躍怯寧勞耀金羈青芻與白
水空笑駑駘肥伯樂儻一見應驚耳長垂當思

八荒外逐日向瑤池

贈方處士兼以寫別

天與雲鶴情人間恣詩酒龍宮奉採覓瀕洞一
千首清如南薰絲韻若黃鍾吼喜於風騷地忽
見陶謝手籍籍九江西篇篇在人口芙蓉爲芳
菲未落諸花後所知心眼大別自開戶牖才力
似風鵬誰能弄升斗無營傲雲竹琴帙靜爲友
鸞鳳戢羽儀騏驥在郊藪鏡湖春水綠越客憶
歸否白衣四十秋逍遙一何久此身無定跡又
逐浮雲走離思書不窮殘陽落江柳

湘西寺霽夜

雨過琉璃宮佳興浩清絕松風吟晴灘竹路踏
碎月月波蕩如水氣爽星朗滅皓夜千樹霜崢
嶸萬巖雪後山鶴唳斷前池荷香發境寂涼夜
深神思空飛越

傷思

八月白露濃芙蓉抱香死紅枯金粉墮寥落寒
塘水西風團葉下疊穀參差起不見棹歌人空
垂綠房子

送鄭京昭之雲安

君吟高堂賦路過巫山渚莫令巫山下幽夢惹
雲雨往事幾千年芬芳今尚傳空留荆王館巖
嶂深蒼然楚水五月浪輕舟入蘋煙送君揚楫
去愁絕郢城篇

送處士自番禺東遊便歸蘇臺別業

啞軋暮江上櫓聲搖落心宛陵三千里路指吳
雲深蓴菜動歸興忽然聞會吟南浮龍川月東
下敬亭岑多君詠逍遙結蘿碧溪陰高籠華亭
鶴靜對幽蘭琴汗漫江海思傲然抽冠簪歸歎
未去寂還許應追尋二陸文苑秀岩堯懷所欽

惜我入洛晚不覩雙南金江左風流盡名賢成
古今送君無限意別酒但加斟

法華微上人盛話金山境勝舊遊在目

吟成此篇

江上青蓮官人間蓬萊島煙霞與波浪隱映樓
臺好潮聞梵音淨海日天早願與靈鷲人吟
經此終老

洞庭入澧江寄巴丘故人

四月桑半枝吳蠶初弄絲江行好風日燕舞輕
波時去事旋成夢來歡難預期唯憑東流水日

夜寄相思

自澧浦東遊江表途出巴丘投負外從

公虞

短翮後飛者前攀鸞鶴翔力微應萬里矯首空
蒼蒼誰昔探花源考槃西岳陽高風動商洛綺
皓無馨香一朝下蒲輪清輝照巖廊孤醒立衆
醉古道何由昌經術震浮盪國風掃齊梁文襟
即玄圃筆下成琳琅霞水散吟嘯松筠奉琴觴
冰壺避皎潔武庫羞鋒鋌小子書代耕束髮頗
自強艱哉水投石壯志空摧藏十年侶龜魚垂

頭在沅湘巴歌掩白雪鮑肆埋蘭芳騷雅道未
消何憂名不彰飢寒束困厄默塞飛星霜百志
不成一東波擲年光塵生脫粟甑萬里遠高堂
中夜恨火來焚燒九迴腸平明梁山淚綠枕霑
匡床依泊洞庭波木葉忽已黃哀碁擣秋色曉
月啼寒蠶復此棹孤舟雲濤浩茫茫朱門待媒
勢短褐誰揄揚仰羨野陂鳧無心憂稻梁不如
天邊鴈南北皆成行男兒白日間變化未可量
所希困辱地剪拂成騰驤昨筆話肝肺詠茲枯
魚章何由首西路目斷白雲鄉

洞庭驛樓雪夜燕集奉贈前湘州張員

外

昔與張湘州閑登岳陽樓目窮衡巫表興盡荆
吳秋擲筆落郢曲巴人不能酬是時簪裾會景
物窮冥搜誤忝玳筵秀得陪文苑遊幾篇雲攄
上風雨沉銀鈎

滄洲

童兒待郭伋竹馬空遲留路指雲漢津誰能吟
四愁銀壺傲海雪青管羅名謳賤子跡未安謀
身拙如鳩分隨煙霞老豈有風雲求不逐萬物

化但貽知己羞方窮力命說戰勝心悠悠不然
躡會稽鈎下二五牛所期波濤助燁赫呈吞舟

送鄭子寬棄官東遊便歸女几

八月湖浸天揚帆入秋色岷峨雪氣來寒漲瀟
湘碧子真冥鴻志不逐籠下翼九女疊雲屏於
焉恣栖息新詩山水思靜入陶謝格因醉松花
春追攀紫煙客相逢十年舊嘖笑等歡感一飯
玉露蔬中腸展堆積停食不盡意傾景悵可惜
雲水一分飛離憂洞庭側迴車三鄉路仙菊正
堪摘寄謝杜蘭香何年別張碩

長沙九日登東樓觀舞二首

南國有佳人，輕盈綠腰舞。華筵九秋暮，飛袂拂

雲雨。翩如蘭若翠，

一作緩如
祥煙泛

宛若遊龍舉。越艷

罷前溪，吳姬停白紵。

慢態不能窮，繁姿曲向終。低回蓮被

一作
數

浪凌

亂雪縈風墜，珥時流眄脩裾。欲溯空，唯愁捉不住。飛去逐驚鴻。

龍山人惠石廩方及團茶

客有衡嶽隱，遺余石廩茶。自云凌煙露，採掇春山芽。珪璧相壓疊，積芳莫能加。碾成黃金粉，輕

嫩如松花。紅鑪爨霜枝，越兒斟井華。灘聲起魚眼，滿鼎漂清霞。凝澄坐曉燈，病眼如蒙紗。一甌拂昏寐，襟鬲開煩拏。顧渚與方山，誰人留品差。持甌默吟味，搖膝空咨嗟。

宿鳥遠峽化臺遇風雨

孤鶴長松巔，獨宿萬巖雨。龍湫在石脚，引袂時一取。驚風折喬木，飛焰獵窻戶。半夜霹靂聲，高齋有人語。

岳陽春晚

不覺春物老，塊然湖上樓。雲沙鷓鴣思，風日沅

湘愁去翼滅雲夢來帆指昭丘所嗟芳桂晚寂
寞對汀洲

漢陽春晚

漢陽抱青山飛樓映湘渚白雲蔽黃鶴綠樹藏
鸚鵡憑高送春目流恨傷千古遐想禰衡才今
人怨黃祖

將離澧浦置酒野嶼奉懷沈正字昆仲

三人聯登高第

春月三改兔花枝成綠陰年光東流水浩歎傷
羈心酌桂煙嶼晚鷓鳴江草深良圖一超忽萬

恨空相尋上國刈翹楚才微甘陸沉無燈假貧
女有淚沾牛衾衡嶽三麒麟各振黃鍾音卿雲
被文彩芳價傾詞林夫子芸閣英養鱗湘水潯
晴沙踏蘭菊隱几當青岑明日洞庭上悠揚掛
離襟停觴一搖筆聊寄生芻吟

湘中別成威閣黎

至哉彼上人冰霜凜規則遊心杳何境宴坐入
冥嘿解空與密行名臘信崇德吐論駕秋濤龍
宮發智臆羣迷行大夜浩浩一昏黑赤水千丈
深玄珠幾人得持杯挹溟漲至理安可測寧假

喻芭蕉真成嗅蒼苔
松聲掃白月
霽夜來靜域
清楚罷法筵
天香滿衣襟
何方濟了岸
祇仗慈航力
願與十八賢
同栖翠蓮國

別尹練師

吾家五千言
至道懸日月
若非函關令
誰駐流沙說
多君飛昇志
機悟獨超拔
學道玉笥山
燒丹白雲穴
南窮衡疑秀
採藥歷幽絕
夜卧瀑布風
朝行碧巖雪
洞宮四百日
王籍恣探閱
徒以菌蟪姿
緬攀修真訣
塵籠罩浮世
遐志空飛越
一罷棊酒懽
離情滿寥沈
願騎紫蓋鶴
早向黃

金闕城市不可留
塵埃穢仙骨

李羣玉詩集卷上

宋

李羣玉詩集卷中

今體七言

長沙春望寄涪陽故人

清明別後雨晴時極浦空顰一望眉湖畔春山
煙點點雲中遠樹黑離離依微水戍聞疎鼓掩
映沙村見酒旗風暖草長愁自醉行吟無處寄
相思

金塘路中

山川楚越復吳秦蓬梗何年是住身黃葉黃花
古城路秋風秋雨別家人冰霜怯度商於一作村

二五

一

凍桂玉愁居帝里貧十口繫心拋不得每迴迴
首即長擲

自遣

翻覆升沉百歲中前途一半已成空浮生暫寄
夢中夢世事如聞風裏風脩竹萬竿資閨寂古
書千卷要窮通一壺濁酒暄和景誰會陶然失
馬翁

送于少監自廣州還紫邏

鳴高山水似麻源謝監東還憶故園海嶠煙霞
輕逸翰洛川花木待回軒宦情薄去詩千首世

事閑來酒一樽明日中書見顏范如應通籍入
金門

石門韋明府爲致東陽潭石鯽鱠

錦鱗銜餌出清漣暖日江亭動鱸筵疊雪亂消
飛筋底散絲繁灑拂刀前太湖浪說朱衣鮒漢
浦休誇縮項鱸俊味品流知第一更勞霜橘助
芳鮮

規公業在淨名得甚深義僕近獲顧長
康月宮眞影對戴安道所畫文殊走筆
此篇以屈瞻禮

五濁之世塵冥冥達觀栖心於此經但用須彌
藏芥子安知牛跡笑東溟主公吐辯真無敵顧
氏傳神實有靈今日淨開方丈室一飛白足到
茅亭

玉真觀

高情帝女慕乘鸞紺髮初簪玉葉冠公主玉葉冠時人莫計其價耳秋月無雲生碧落素蕖含露出清瀾層城
煙霧將歸遠浮世塵埃久住難一自簫聲飛去
後洞宮深掩碧瑤壇

辱綿州于中丞書信

一緘垂露到雲林中有孫陽念驥心萬木自凋
山不動百川皆旱海長深風標想見瑤臺鶴詩
韻如聞淥水琴他日縱陪池上酌已應難到暝
猿吟渴疾漸加酒戶日減

送崔史君蕭山禱雨甘澤遽降

謝公一拜敬亭祠五馬旋歸下散絲不假土龍
呈天矯自然石鷲起參差預聽禾稼如雲語應
有空濛似霧詩已向為霖報消息潁川徵詔是
前期

重經巴丘

開成初陪故負外從翁詩酒遊泛

昔年高接李膺歡日泛仙舟醉碧瀾詩句亂隨
青草落酒腸俱逐洞庭寬浮生聚散雲相似往
事微冥夢一般今日片帆城下去秋風回首淚
闌干

湘陰江亭却寄友人

湘岸初晴淑景遲風光正是客愁時幽花夜落
騷人浦芳草春深帝子祠往事隔年如過夢舊
遊回首滿追思煙波自此扁舟去小酌聯文杳
未期

哭郴州王使君

銀章朱紱照雲驄六換魚書惠化崇瑤樹忽傾
蒼栢下醉鄉翻在夜臺中東山妓逐飛花散北
海樽隨逝水空曾是綺羅筵上客一來長慟向
春風

九日巴丘楊公臺宴集

淒淒霜日上高臺水國秋深客思哀萬疊銀山
寒浪起一作去一行斜字早鴻來誰家搗練孤城
暮何處題衣遠信回江漢路長身不定菊花三
笑旅萍開

奉和張舍人送秦練師歸岑公山

仙翁歸卧翠微岑一葉西風月峽深松徑一作澗

定知芳草合玉書應念素塵侵閑雲不繫東西

影野鶴寧傷去住心蘭浦蒼蒼春欲暮落花流

水思離襟一作琴

送陶少府赴選

陶君官興本蕭疎長傍青山碧水居久向三茅

窮藝術仍傳五柳舊琴書跡同飛鳥栖高樹心

似閑雲在太虛自是葛洪求藥價不關梅福戀

簪裾

寄張祐祐亦未面頻寄聲相聞

越水吳山任興行五湖雲月挂高情不遊都邑
稱平子只向江東作步兵昔歲芳聲到童稚老
來佳句徧公卿知君氣力波瀾地留取陰何沈
范名

寄長沙許侍御

三年文會許追隨和徧南朝一作江南雜體詩未以

把一作緩毫還郭璞乞留殘錦與丘遲竹齋琴酒

懽成夢水寺煙霞賞對誰今日秋風滿湘浦祇

應搔首詠瓊枝

望月懷友

浮雲捲盡看臃臃直出滄溟上碧空盈手水光
寒不濕流天素彩淨無風酒花蕩漾金樽裏掉
影飄飄玉浪中川路正長難可越美人千里思
何窮

和吳中丞悼笙妓

麗質仙姿煙逐風鳳皇聲斷吹臺空多情草色
怨還綠無主杏花春自紅墮珥尚存芳樹下餘
香漸減一作滅玉堂中唯應去抱雲和管從此長
歸阿姥宮

薛侍御處乞靴

越客南來誇桂麋良工用意巧縫成看時共說
茱萸皺着處嫌無鸚鵡鳴百里奚身悲甚似五
羊皮價敢全輕日於文苑陪高步贏得芳塵接
武名

九子坡聞鷓鴣

落照蒼茫秋草明鷓鴣啼處遠人行正穿屈曲
崎嶇路更聽鈎輊格磔聲曾泊桂江深岸雨亦
於梅嶺阻歸程此時為爾腸干斷乞放今宵白
髮生

涼公從叔春祭廣利王廟

龍驤伐鼓下長川直濟雲濤古廟前海客歛威
驚火旆天吳收浪避樓船陰靈迥作南溟主祀
典高齊五嶽肩從此華夷封域靜潛薰玉燭奉
堯年

長沙紫極宮雨夜愁坐

獨坐高齋寒擁衾洞宮臺殿宵沉沉春燈含思
靜相伴夜雨滴愁更向深窮達未知他日事是
非皆到此時心羈棲摧剪平生志抱膝時爲梁
甫吟

盧逸人隱居

碁局茅亭幽澗濱竹寒江靜遠無人村梅尚斂
風前笑沙草初偷雪後春鵬鷄喻中消日月滄
浪歌裏放心神平生自有煙霞志久欲拋身狎
隱淪

江樓閑望懷關中親故

搖落江天欲盡秋遠鴻高送一行愁音書寂絕
秦雲外身世蹉跎楚水頭年兒暗隨黃葉去時
情深付碧波流風淒日冷江湖晚駐目寒空獨
倚樓

請告南歸留別同館

中元作

一點燈前獨坐身西風初動帝城砧不勝庾信
鄉關思遂作陶潛歸去吟書閣乍離情黯黯形
庭迴望肅沉沉應怜一別瀛洲侶萬里單飛雲
外深

寄友二首

野水晴山雪後時獨行村路更相思無因一向
溪橋醉處處寒梅映酒旗
花落輕寒酒熟遲醉眠不及落花期愁人想憶
春山暮煙樹蒼蒼播穀時

桃源

我到瞿真上昇處山川四望使人愁紫雲白鶴
去不返唯有桃源溪水流

題王侍御宅

門向滄江碧岫開地多鷗鷺少塵埃綠陰十里
灘聲裏閑即王家看竹來

聞湘南從叔朝覲

長沙地窄却回時舟楫駸駸向鳳池爲報湘川
神女道莫教雲雨濕旌旗

漢陽太白樓

江上晴樓翠靄間滿簾春水滿窻山青楓綠草

將愁去遠入吳雲暝不還

送客

沅水羅文海燕回柳條牽恨到荆臺定知行路
春愁裏故郢城邊見落梅

澧陵路中

別酒離亭十里強半醒半醉引愁長無端寂寂
春山路雪打溪梅狼籍香

校書叔遺暑服

翠芸箱裏疊穠穠楚葛湘紗淨似空便着清江
明月夜輕涼與掛一作一身風

贈魏三十七

名珪字玉淨無瑕美譽芳聲有數車莫放焰光
高二丈來年燒殺杏園花

酬崔表仁

昨日朱門一見君忽驚野鶴在雞羣不應長啄
潢汙水早晚歸飛碧落雲

旅遊番禺獻涼公

帝鄉羣侶杳難尋獨立滄洲歲暮心野鶴飛栖
無遠近稻梁多處則恩深

長沙元門寺張璪真外壁畫

片石長松倚素楹
條然雲壑見高情
世人只愛凡花鳥
無處不知梁廣名

出春明門

本不將心挂名利
亦無情意在樊籠
鹿裘藜杖且歸去
富貴榮華春夢中

李羣玉詩集卷中



木丰

李羣玉詩集卷下



今體五言

新荷



田田八九葉散點綠池
初嫩碧纒平水圓陰已
蔽魚浮萍遮不合弱荇
繞猶踈半在春波底芳
心卷未舒

初月二首

灑灑流光淺娟娟泛露輕
雲間龍瓜落簾上玉
鈎明桂樹枝猶小
仙人影未成欲為千里別倚
幌獨含情

凝顰立戶前細
向娟娟破鏡徒相問
刀頭恐隔年輕輕
搖遠水脉脉下春煙
別後春江上隨人何處圓

石緒

古岸陶爲器高林盡一焚
焰紅湘浦口煙濁洞庭雲
迥野煤飛亂遙空爆響聞
地形穿鑿勢恐到祝融墳

雲安

灘惡黃牛吼城孤白帝秋水寒
巴字急歌迥竹枝愁樹倚荆王館
雲昏蜀客舟瑤姬不可見行

雨在高丘

石頭城

霸業隨流水寒蕪上古城
長空橫海色斷岸落潮聲
八極悲一作皆扶柱五湖來止傾一作吾家永止傾
東南天子氣掃地入函京

湖闊

楚色籠青草秋風洗洞庭
夕霏生水寺初月盡雲汀
櫂響來空闊漁歌發杳冥
欲浮闌下艇一到斗牛星

失鶴

瑶臺煙霧外一去不迴心清海蓬壺遠秋風碧
落深墮翎留片雪雅操入孤琴豈是籠中物雲
蘿莫更尋

臘夜雪霽月彩交光開閣臨軒竟睡不
得命家僕吹笙數曲獨引一壺奉寄江

陵副使杜中丞

月華臨霽雪皓彩射貂裘桂酒寒無醉銀笙凍
不流懷哉梁苑客思作剡溪遊竟夕吟瓊樹川
途限阻脩

長沙陪裴大夫登北樓

巖嶂隨高步琴樽奉勝遊金風吹綠簟湘水入
朱樓朗抱雲開月高情鶴見秋登臨多暇日非
爲賦消憂

登蒲澗寺後二巖三首

五仙騎五羊何代降茲鄉澗有堯年韭山餘禹
日糧樓臺籠海色草樹發天香浩笑波光裏浮
溟興甚長

行盡崎嶇路驚從汗漫遊青天豁眼快碧海醒
心秋便欲尋河漢因之犯斗牛九霄身自致何

必遇浮丘

一作揚帆赴飛
鳥一濟日邊舟

南溟吞越絕極望碧濛鴻龍度潮聲裏雷喧雨
氣中趙佗丘壠滅馬援鼓鼙空遐想魚鵬化開
襟九萬風

早鴻

木落波浪動南飛聞夜鴻參差天漢霧嘹唳月
明風野水蓮莖折寒泥稻穗空無令一行侶相
失五湖中

旅泊

搖落江天裏飄零倚客舟短篇纔遣悶小釀不
供愁沙雨潮痕細林風月影稠書空閑度日深

擁破貂裘

半醉

處俗長如病看花亦似秋若無時復酒寧遣鎮
長愁漸覺身非我都迷蝶與周何煩五色藥樽
下即浮丘

晝寢

筠桂晚蕭疎任人嘲宰予鳥驚林下夢風展枕
前書正作莊生蝶誰知惠子魚人間無樂事直
擬到華胥

晚蓮

露冷芳意盡稀疎空碧荷殘香隨暮雨枯蘂墮
寒波楚客罷竒服吳姬停權歌涉江無可寄幽
恨竟如何

將之番禺留別湖南府幕

本乏煙霄志那隨鴛鴦遊一枝仍未定數粒欲
何求溟漲道塗遠荆吳雲雪愁會登梅嶺翠南
翦入炎洲

一作暮雪

宵民

大雅無憂怨宵民有愛憎魯侯天不遇臧氏爾
何能慘慘心如虺營營舌似蠅誰於消滑地一

鑒玉壺冰

吾道

吾道成微哂時情付絕言鳳兮表已盡犬也吠
何繁輕重憂衡曲妍蚩慮鏡昏方欣耳目淨誰
到翟公門

與濮陽夏侯吳三山人夜話

靜談雲壑趣高會兩三賢酒思彈琴夜茶芳向
火天兔裘堆膝暖鳩杖倚床偏各厭池籠窄相
看意浩然

春寒

撥火垂簾夕將暄向冷天悶斟壺酒煖愁聽雨
聲眠處世心倏爾干時事索然春光看已半明
日又藏煙

廣江驛餞筵留別

別筵欲盡秋一醉海西樓夜雨寒潮水孤燈萬
里舟酒飛鸚鵡重歌送鷓鴣愁惆悵三年客難
期此處遊

桑落洲

九江寒露夕微浪北風生浦嶼漁人火蒹葭鳧
鴈聲頽雲晦廬岳微鼓辨溢城遠憶天邊弟曾

從此路行

杜門

且詠閑居賦飛翔去未能春風花嶼酒秋雨竹
溪燈世路變陵谷時情驗友朋達生書一卷名
利付春冰

池州封貢外郡齋雙鶴丹頂霜翎仙態
浮曠罷政之日因呈此章

瀟洒二白鶴對之高興清寒溪侶雲水朱閣伴
琴笙顧慕稻梁惠超遙江海情應攜帝鄉去仙
闕看飛鳴

經費拾遺所居呈封員外

雲卧竟不起少微空隕光唯應孔北海爲立鄭
公鄉舊館苔蘚合幽齋松菊荒空餘書帶草日
日上階長

送秦練師

紫府靜沉沉松軒思別琴水流寧有意雲泛本
無心錦洞桃花遠青山竹葉深不因時賣藥何
路更相尋

湘陰縣送遷客北歸

不須留惹艾重遣世人疑瘴染白如蘖愁熏頭

似絲黃梅住雨外青草過湖時今日開湯網冥
飛亦未遲

九日陪崔大夫宴清河亭

玉醴浮金菊雲亭敞玳筵晴山低畫浦斜鴈遠
書天謝眺離都日般公出守年不知瑤水讌誰

和一作

白雲篇

近見去年聖
製黃菊聯句

送房處士閑遊

採藥陶貞白尋山許遠遊刀圭藏妙用巖洞契
冥搜花月三江水琴樽一葉舟羨君隨野鶴長
揖稻梁愁

贈花

酒爲看花醞花須趁酒紅莫令芳樹晚使我綠
樽空金谷園無主桃源路不通縱非乘露折長
短盡隨風

洞庭風雨二首

面南一片黑俄起北風顛浪潑巴陵樹雷燒鹿
角田在青草北魚龍方簸蕩雲雨正喧闐想赭君山
日秦皇怒赫然

巨浸吞沅澧西風忽怒號水將天共黑雲與浪
爭高羽化思乘鯉山漂長抃鼇陽烏猶曝翅直

恐濕蟠桃

臨水薔薇

堪恨復堪傷無情不久長浪搖千臉笑風舞一
叢芳似濯文君錦如窺漢女粧所思雲雨外何
處寄馨香

中秋維舟君山看月

汗漫鋪澄碧朦朧吐玉盤雨師清滓穢川后掃
波瀾氣射繁星滅光籠八表寒來從雲漲迥路
上碧霄寬熠燿遊何處蟾蜍食漸殘棹翻銀浪
急林映白虹攢練彩連河曉冰輝壓樹乾夜深

高不動天下仰頭看

桂州經佳人故居二首

種樹人何在攀枝空歎嗟人無重見日樹有每
年花滿院雀聲暮半庭春景斜東風不知恨徧
地落餘霞

桂水依舊綠佳人今不還祇應隨暮雨飛過九
嶷山

池塘晚影

風荷珠露傾驚起睡鳩鵲月落池塘靜金刀剪
一聲

青鷁

獨立蒹葭雨低飛浦嶼風須知毛色下暮入鷺
鶯叢

傷小女凝兒

哭爾春日短支頤長嘆嗟不如半死樹猶吐半
邊花

客愁二首

客愁看柳色日日逐春深浩蕩春風起誰知歷
亂心

客愁看柳色日日逐春長憑送湘流水綿綿入

帝鄉

放魚

早覓爲龍去江湖莫漫遊須知香餌下觸口是
銛鈎

朝賣藥翁

斲盡春山土辛勤賣藥翁莫拋破笠子留作敗
天公

蓮葉

根是泥中玉心承露下珠在君塘上種埋沒任
春蒲

洞庭乾二首

借問蓬萊水誰逢清淺年傷心雲夢澤歲歲作
桑田

朱宮紫貝闕一旦作沙洲八月還平在魚蝦不
用愁

李羣玉詩集卷下

宋

李羣玉詩後集卷第一

吾亦在

藏書

仙明洲口號

唐

長愛沙洲水竹居暮江春樹綠陰初浪翻新月
金波淺風損輕雲玉葉踈半浦夜歌聞盪槩一
星幽火照叉魚二年此處尋佳句景物常輸楚
客書

送蕭十二校書赴郢州婚姻

蓬山才子即蕭郎綵服青春卜鳳凰玉珮定催
紅粉色錦衾應惹翠芸香馬穿莫雨荆山遠人
宿寒燈郢夢長領取和鳴好風景

古樂府有鳳
兮歸故鄉

揚州書院

藏書

石城花月送歸鄉

送隱者歸羅浮

春天杳杳日遲遲
路入雲峰白犬隨
兩卷素書留貰酒
一柯樵斧坐看棋
蓬萊道士飛霞履
清遠仙人寄好詩
自此塵寰音信斷
山川風月永相思

獻王中丞

時有除拜

登仙望絕李膺舟
從此青蠅點遂稠
半夜憤吹牛斗動
二年門掩雀羅愁
張儀會展平生舌
韓信那慙跨下羞
他日圖勲盡麟閣
定呈肝膽始

應休

贈元緩

相逢在總角
與子即同心
隱石那知玉
披沙喜遇金
蘭秋香不死
松晚翠方深
各保芳堅性
寧憂霜霰侵

中秋廣江驛示韋益

莫惜三更坐
難消萬里情
同看一片月
俱在廣州城
淚逐金波滿
魂隨夜鵲驚
支頤鄉思斷
無語到雞鳴

九日越臺

旭日高山上秋天大海隅黃花羅炬妝絳實簇
茱萸病久歡情薄鄉遥客思孤無心同落帽天
際望歸塗

中秋越臺看月

海雨洗烟埃月從空碧來水光籠草樹練影掛
樓臺皓曜迷鯨目晶熒失蚌胎宵分凭檻望應
合見蓬萊

長沙開元寺昔與故長林許侍御題松

石聯句

牆陰數行字懷舊慘傷情薛荔侵年月莓苔壓

姓名逝川前後水浮世短長生獨立秋風暮凝
嘖隔郢城

傷友

玉棺來九天鳧舄掩窮泉蕪沒池塘興淒涼翰
墨筵短期存大夢舊好委浮烟我有幽蘭曲因
君遂絕絃

法性寺六祖戒壇

初地無階級餘基數亦低天香開茉莉梵樹落
菩提警俗生真性青蓮出淤泥何人得心法衣
鉢在曹溪

東湖二首

晚景微雨歇，逍遙湖上亭。
波閑魚弄餌，樹靜鳥遺翎。
性野難依俗，詩玄自入冥。
何由遂蕭灑，高枕對雲汀。

雨氣消殘暑，蒼蒼月欲升。
林間風捲簾，欄下水搖燈。
迥野垂銀滅，層巒掛玉繩。
重期浮小檝，來摘半湖菱。

三月五日陪裴大夫泛長沙東湖

上巳餘風景，芳辰集遠坰。
綵舟浮滉蕩，綉轂下娉婷。
林榭回葱蒨，笙歌轉杳冥。
湖光迷翡翠，草色醉蜻蜓。
鳥弄桐花日，魚翻穀雨萍。
從今留勝會，誰看畫蘭亭。

龜

靜養千年壽，重泉自隱居。
不應隨跛鱉，寧肯滯凡魚。
靈腹唯玄露，芳巢必翠蕖。
揚光輸蚌蛤，弄月恨蟾蜍。
曳尾辭泥後，支牀得水初。
冠山期不小，鑄印事寧虛。
有志酬毛寶，無心畏豫且。
他時清洛汭，會薦帝堯書。

湖閣曉晴寄呈從翁二首

嶺日開寒霧，湖光蕩震華。
風鳥搖溼柳，水蝶戀

幽花蜀國地西極吳門天一涯輕舟欄下去點
點入湘霞

其二

高秋憑遠檻萬里看新晴重霧披天急千雲觸
石輕湖山四五點湘鴈兩三聲遙想潘園裏琴
尊興轉清

飯僧

好讀天竺書爲尋無生理焚香面金偈一室唯
巾水所交信方外三三空門子峻範照秋霜高
標掩僧史清晨潔蔬茗延請良有以一落喧競
塗栖心願依止奔曦入半百冉冉頽濛汜雲泛
名利心風經是非齒尚爲情愛縛未盡金仙旨
以靜制猿心將虞噉然起綸巾與藜杖此意真
已矣他日雲壑間來尋居士

哭小女凝兒

平生未省夢能羅稚女如花墮曉枝條蔓縱橫
輸葛藟子孫蕃育羨螽斯方同王衍鍾情切猶
念商瞿有慶遲負爾五年恩愛淚眼中唯有涸
泉知

李羣玉詩後集卷第一

吾亦在

揚州詩話

宋

李羣玉詩後集卷第二

贈回雪

精舍

藏書

回雪舞縈盈縈盈若回雪腰支一把玉祗恐風
吹折如能買一笑滿斗量明月安得金蓮花步
步承羅襪

將之京國贈薛員外

黃葉下空館寂寥寒雨愁平居歲華晏終緯啼
林幽節物凋壯心吐嗟不能休空懷趙鞅歎變
化良無由所思杳何如側身望皇州蒼烟晦楚
野寒浪埋昭丘趙壹賦命薄陳思多世憂翻然

羨魚鳥暢矣山川遊薛公龍泉姿其氣在斗牛
南冠秀髮白石勞悲謳圭袞照崇闕文儒嗣
箕裘曠然方寸地震海浮雲舟澧浦一遺佩郢
南再悲秋叫閤路既阻浩蕩懷靈脩莫奏武溪
笛且登仲宣樓亨通與否閉物理相沉浮天子
坐宣室夔龍奉謀猷行當賜環去豈作遺賢羞

送魏珪覲

木落楚色深風高浪花白送君飛一葉鳥逝入
空碧倚歎白華秀傷心倚門夕不知雲漲遙萬
里看咫尺蕭蕭青楓岸去掩江上宅離觴有黃

花節物助淒戚瀟湘入滬桂一路縈水石烟蘿
拂行舟玉瀨鏘枕席多君林泉趣耽翫日成癖
長嘯凌清暉襟情當雪滌登龍屈指內飛譽甚
籍籍未折月中枝寧隨宋都鷓日余吞聲地舉
足傷瓦礫見爾一開顏溫明乃珠璧春風到雲
嶠把酒時相憶荳蔻花入船鷓鴣啼送客颺天
與瘴海此去備公歷珍重春官英加餐數刀帛

始忝四座奏狀聞薦蒙恩授官旋進歌
詩延英宣賜言懷紀事呈同館諸公二

十四韻

兩鬢有二毛光陰流浪中形骸日土木志氣隨
雲風冥默楚江畔蕭條林巷空幽鳥事翔翥歛
翼依蒿蓬一飯五放筋愀然念途窮孟門在步
武所向何由通徵諸太易言物否不可終庶期
白雪調一奏驚九龔昨忝丞相召揚鞭指冥鴻
姓名掛丹詔文句飛天聰解薛龍鳳署懷鈿蘭
桂叢聲名仰聞見烟漢陪高蹤峨峨羣玉山肅
肅紫殿東神飈泛鍾漏佳氣浮筠松自顧珉珠
璞何綠侶圭琮群賢垂重價省已增磨礪天子
棲穆清三台付夔龍九霄降雨露萬國望時雍

巍巍致君期勛華將比崇承天四柱石疑若窺
衡嵩日見帝道昇謀猷垂景鍾寰瀛納壽域翔
泳皆百神儼亭佇將告成功吾徒事文
藻驥首歌登封

同張明府遊樓水亭

草色綠溪晚梅香生穀文雲天斂餘霽水木籠
微曛垂釣坐芳嶼幽禽時一聞何當五柳下酌
醴吟庭筠

引水行

一條寒玉走秋泉引出深蘿洞口烟十里暗流

聲不斷行人頭上過潺湲

穆天子

穆滿恣逸志而輕天下君一朝得八駿逐日西
溟潰寂寥崦嵫幽絕跡留空文三千閉宮豔怨
絕寧勝云或言帝軒轅乘龍凌紫氛橋山葵弓
劒冥昧竟難分不思五絃琴作歌詠南薰但聽
西王母瑤池吟白雲

七月十五夜看月

朦朧南溟月涵湧出雲濤下射長鯨眼遙分玉
兔毫勢來星斗動路越青冥高竟夕瞻光彩昂

頭把白醪

廣州重別方處士之封川

久約同遊羅浮
期素秋而行

楚國傲名客九州徧芳馨白衣謝簪紱雲卧重
巖局長波飛素舸五月下南溟大笑相逢日天
邊作酒星

其二

十年一雲雨常恨輝容隔天末又分襟離憂鬢
堪白願回陵潮楫且著登山屐共期羅浮秋與
子醉海色

南臺初晴望寄韋秀才

荆臺蘭渚客寥落共含情空館相思夜孤燈照
雨聲

北風

病髮乾垂枕臨風強起梳蝶飛竟尚弱蟻鬪體
猶虛瘦骨呻吟後羸容几杖初庭幽行樂靜涼
景翠筠踈

李羣玉詩後集卷第二



李羣玉詩後集卷第三

醉後贈馮姬



黃昏歌舞促瓊筵銀燭臺西見小蓮二寸橫波
回慢水一雙纖手語香絃桂形淺拂梁家黛瓜
字初分碧玉年願托襄王雲雨夢陽臺今夜降
神仙

廣州陪涼公從叔越臺宴集

一徑松梢踏石梯步窮身在白雲西日銜赤浪
金車没天拂滄浪翠幕低高鳥散飛驚大旆長
風萬里卷秋輦玉鈎掛海笙歌合珠履三千半

似

留別馬使君

俱來海上嘆烟波君佩銀魚我觸羅蜀國才微
甘放蕩專城年少豈蹉跎應怜旅夢千重思共
愴離心一曲歌唯有管絃知客意分明吹出感
恩多

洞庭遇秋

塵愁老來顏久與江山隔道遙澄湖上洗眼見
秋色涼波弄輕棹湘月生遠碧未減遙客情西
望杳何極

游玉芝觀

尋仙向玉清獨倚雪初晴木落寒郊迥烟開疊
嶂明片雲盤鶴影孤磬雜松聲且共探玄理歸
途月未生

將欲南行陪崔八宴海榴亭

朝宴華堂暮未休幾人偏得謝公留風傳鼓角
霜侵戟雲卷笙歌月上樓賓館盡開徐孺榻客
帆空戀李膺舟謾誇書劍無歸處水遠山長步
步愁

湖寺清明夜遣懷

柳暗花香愁不眠，獨凭危檻思悽然。
野雲將雨渡微月，沙鳥帶聲飛遠天。
久向飢寒拋弟妹，每因時節憶團圓。
餽食冷酒明年在，未定萍蓬何處邊。

移松竹

龍髯鳳尾亂颼颼，帶霧停風一畝秋。
待取滿庭蒼翠合，酒尊書案閉門休。

歎靈鷲寺石榴

水蝶巖蜂俱不知，露紅凝豔數千枝。
山深春晚無人賞，即是杜鵑催落時。

中秋夜南樓寄友人

海月出白浪，湖光射高樓。
朗吟無綠酒，賤價買清秋。
氣冷魚龍寂，輪高星漢幽。
他鄉此夜客，對酌餞多愁。

九日

年年羞見菊花開，十度悲秋上楚臺。
半嶺殘陽銜樹落，一行斜鴈向人來。
行雲永絕襄王夢，野水偏傷宋玉材。
絲筦闌珊歸客盡，黃昏獨自詠詩迴。

同鄭相并歌姬小飲戲贈

裙拖六幅湘江水，鬢聳巫山一段雲。風格只應
天上有，歌聲豈合世間聞。曾前瑞雪燈斜照，眼
底桃花酒半醺。不是相如，如伶賦客，爭教容易見
文君。

秣陵懷古

野花黃葉舊吳宮，六代豪華燭散風。龍虎勢衰
佳氣歇，鳳凰名在故臺空。市朝遷變秋蕪綠，墳
塚高低落照紅。霸業鼎圖人去盡，獨來惆悵水
雲中。

人日梅花病中作

去年今日湘西寺，獨把寒梅愁斷腸。今年此日
江邊宅，卧見瓊枝低壓牆。半開半落臨野岸，團
情團思醉韶光。玉麟寂寂飛斜月，素豔亭亭對
夕陽。已被兒童苦攀折，更遭風雪損馨香。洛陽
桃李漸撩亂，回首行宮春景長。

黃陵廟二首

小哀洲北浦雲邊，二女容華自儼然。野廟向江
春寂寂，古碑無字草芊芊。迴風日暮吹芳芷，落
月山深哭杜鵑。猶似含顰望巡狩，九疑愁絕隔
湘川。

黃陵廟前莎草春黃陵女兒茜裙新輕舟小楫
唱歌去水遠山長愁殺人

北亭

斜雨飛絲織晚空踈簾半捲野亭風荷花向盡
秋光晚零落殘紅綠沼中

送客往涪陽

春與春愁逐日長遠人天畔遠思鄉蘋生水綠
不歸去孤負東溪七里莊

李羣玉詩後集卷第三

揚州李羣玉



宋本

李羣玉詩後卷第四



寄友人鹿胎冠子

數點踈星紫錦班仙家新樣剪三山宜與謝公
松下戴淨簪雲髮翠微間

江南

鱗鱗別浦起微波泛泛輕舟桃葉歌斜雪北風
何處宿江南一路酒旗多

荅友寄新茗

滿火芳馨碾麴塵吳甌湘水綠花新媿君千里
分滋味寄與春風酒渴人

峽山寺上方

滿院泉聲山殿涼
殿簾微雨野松香
東峰下視南溟月
笑踏金波看海光

秋登涿陽城二首

萬戶砧聲水國秋
涼風吹起故鄉愁
行人望遠偏傷思
白浪青楓滿北樓

穿針樓上閉秋烟
織女佳期又隔年
斜漢夜深吹不落
一條銀浪挂秋天

釣魚

七尺青竿一丈絲
菰蔣葉裏逐風吹
幾回舉手

拋芳餌驚起沙灘水
鴨兒

酬魏三十七

靜裏寒香觸思初
開緘忽見二瓊琚
一吟麗句風杯極
沒得洪文李校書

贈琵琶

我見鴛鴦飛水上
君還望月苦相思
一雙裙帶同心結
早寄黃鸝孤鴈兒

落帆後賦得二絕

平湖茫茫春日落
危檣獨映沙洲泊
上岸閑尋細草行
古查飛起黃金鸚

李羣玉後四
水浮秋烟沙曉雪皎潔無風影澄澈海客雲帆
未掛時相與綠江拾明月

贈妓人

誰家少女字千金省向人間觸處尋今日分明
花裏見一雙紅臉動春心

贈人

曾留宋玉舊衣裳惹得巫山夢裏香雲雨無情
難管領任他別嫁楚襄王

山榴

洞中春氣蒙籠喧尚有紅英千樹繁可憐夾水

錦步障羞殺石家金谷園

鷓鴣

錦羽相呼慕沙曲波上雙聲憂哀玉霞明川靜
極望中一時飛滅青山綠

沅江漁者

倚棹汀洲沙日晚江鮮野菜桃花飯長歌一曲
烟靄深歸去滄浪綠波遠

題金山寺石堂

白波四面照樓臺日夜潮聲遶寺回千葉紅蓮
高會處幾曾龍女獻珠來

戲贈魏四十

蘭浦秋來烟雨深幾多情思在琴心知君調得
東家子早晚和鳴入錦衾

和人贈別

嘖黛低紅別怨多深停芳恨滿橫波聲中唱出
纏綿意淚落燈前一曲歌

宿巫山廟二首

寂寞高堂別楚君玉人天上逐行雲停舟十二
峰巒下幽佩仙香半夜聞

廟閉春山曉月光波聲回合樹蒼蒼自從一別

襄王夢雲雨空飛巫峽山

傷柘枝

曾見雙鸞舞鏡中聯飛接影對春風今來獨在
花筵上月滿秋天一半空

題櫻桃

春初携酒此花間幾度臨風倒玉山今日葉聲
黃滿樹再來惆悵不能攀

惱從兄

芳草萋萋新燕飛芷河南望鴈書稀武陵洞裏
尋春客已被桃花迷不歸

紫極宮齋後

紫府空歌碧落寒
曉星寥亮月光殘
一群白鶴高飛散
唯有松風吹石壇

春晚

思鄉之客空凝頓
天邊欲盡未盡春
獨攀江樹深不語
芳草落花愁殺人

喜渾吉見訪

公子春衫桂水香
遠衝霏雪過書堂
貧家冷落難消日
唯有松筠滿院涼

索曲送酒

簾外春風正落梅
須求狂藥解愁回
煩君玉指輕籠撥
慢撥鴛鴦送一杯

山驛梅花

生在幽崖獨無主
溪蘿澗鳥爲儔
信人陌上不留情
愁香空謝深山雨

重陽日上諸宮楊尚書

落帽臺邊菊半黃
行人惆悵對重陽
荊州一見相宣武
爲越悲秋入帝鄉

書院二小松

雙影幽色出塵凡
數粒秋烟一尺鱗
從此靜窻

聞細韻琴聲長伴讀書人

勸人廬山讀書

憐君少雋利如鋒氣爽神清刻骨聰片玉若磨
唯轉瑩莫辭雲水入廬峰

言懷

白鶴高飛不逐羣愁康琴酒鮑昭文此身未有
棲歸處天下之間一片雲

聞笛

冉冉生山草何異截而吹之動天地望鄉臺上
望鄉時不獨落梅兼落淚

曉宴

金波西傾銀漢落綠樹含烟倚朱閣曉華曠
間調笙一點殘燈隔羅幙

將游荊州投魏中丞

貧埋病壓老瓚坼拂拭菱花不喜看又恐無人
肯青眼事須憑仗小還丹

二辛夷

狂吟亂舞雙白鶴霜翎玉羽紛紛落空庭向晚
春雨微却歛寒香抱瑤萼

題龍潭西齋

寂寞幽齋暝烟起滿徑西風落松子遠公一去
堯率宮唯有面前虎谿水

李羣玉詩後集卷第四

楊氏

氏

宋

李羣玉詩後集卷第五

中秋寄南海侍御

李羣玉

氏

海靜天高景氣殊鯨睛失彩蚌潛珠不知今夜
越臺上望見瀛洲方丈無

戲贈姬人

骰子巡拋裏手拈無因得見玉纖纖但知謔道
金釵落圖向人前露指尖

大庾山嶺別友人

簞管無子鷓鷯飢毛彩凋摧不得歸誰念火雲
千嶂裏低身猶傍鷓鷯飛

石門成

到此空思吳隱之潮痕草蔓上幽碑人來皆望
珠璣去誰詠貪泉四句詩

文殊院避暑

赤日黃埃滿世間松聲入耳即心閑願尋五百
仙人去一世清涼住雪山

南莊春晚二首

連雲草映一條陂鷓鴣雙雙帶水飛南村小路
桃花落細雨斜風獨自歸

草暖沙長望去舟微茫烟浪向巴丘沅湘寂寂

春歸盡水綠蘋香人自愁

懷初公

不見休上人空傷碧雲思何處開寶書秋風海
光寺

龍安寺佳人阿最歌八首

團團明月面冉冉柳枝腰未入鴛鴦被心長似
火燒

見面知何益聞名憶轉深拳擣荷葉子未得展
蓮心

欲摘不得摘如看波上花若教親玉樹情願作

蕉葭

門路穿茶焙房門映竹烟會湏隨鹿女乞火到
窓前

不是求心印都緣愛綠珠何須同泰寺然後始
爲奴

既爲金界客任改淨人名願掃琉璃地燒香過
一生

輕紅約翠紗不如欄下水終日見
桃花

第一龍宮女相憐是阿誰好魚輸獺畫白鷺鎮

長飢

病起別主人

益媿千金少情將一飯殊恨無泉客淚盡泣感
恩珠

火爐前坐

孤燈照不寐風雨滿西林多少關心事書灰到
夜深

古詞

一合相思淚臨江灑素秋碧波如會意却與向
西流

投從叔

可惜出羣蹄毛焦久卧泥孫陽如不願騏驎向
誰嘶

幽自澄

常聞天女會玉指散天花莫遣春風裏紅芳點
裝

讀賈誼傳

卑濕長沙地空拋出世才已齊生死理鵬鳥莫
爲災

寄人

寄語雙蓮子須知用意深莫嫌一點苦便擬棄
蓮心

寄韋秀才

荆臺蘭渚客寥落共含情空館相思夜孤燈照
雨聲

春日寄友

晴氣熏櫻菜丰濛雪滿林請君三斗酒醉卧白
羅岑

題竹

一頃含秋綠森風十萬竿氣吹朱夏轉聲掃碧

霄寒

野鴨

鷓鴣借毛衣喧呼鷹隼稀雲披菱藻地任汝作
群飛



李羣玉詩後集卷第五



臨安府棚北大街睦親坊南陳解元宅書籍鋪印

泰興季振直滄華氏刻



越日不為晨起未起時先有枕上吟四絕句隨

喜口占稍維印道故急起書之六日言得必書

之歡喜書景也其碧字羣玉西才人字板唐詩

鑑香真捧出一函有雙錦就西果是教庭珍

洪書心榜街頭香一香汗約倚綵霞好為不情湖雲

皆盲目枉說柳娘畫子虛其言今樓得在妙技亦

寤覺才過却香祠卜石礮銅弄書函外無特識信

還疑四獨有羣書一願空驢黃乳壯能何有

宋羣玉一浴清堂老眼空為代仲之而紀夢題詩

又將傳人作五冷香攤鏡向故書當修各語扁頭



光緒三十二年丙午五月滬寓收



此百宋一廬舊物也菟圃前後題跋皆滿乃不見錄於
潘鄒齋尚書所刊士禮居題跋寸自汪闓源後吳中
藏家俱未之見菟圃以此書晚其後散出未知流轉
何所光緒乙巳余在端忠敏之約將游歐美書友柳
蓉邨持此與碧雲集向來謂菟翁重視二書在於
他處讀其跋語良信時方戒裝不及議價還之
年買歸國之滬而蓉邨又以書要於容邸云特存

壬子八月海虞翁越孫借鈔
一過者在析津



以倘我余感其意如債收、實余收宗刻之初概也人世
尤物遇合、一取誠有不可解者况林近嘗謂余雖貧他
不可去而世必不可去吾固將抱此以沒世矣既得披沙集乃
重裝而志存至舊美翁封面並寶存焉戊午三月正閣記



壬子殘臘江安傅增湘備校一過時大雪忽飛考先將有遼瀋之行整暇待歲
覆功後遂待書送別洪之覽者幸而以借書一應還書一應相謂也
同在南中以得宗叔破少集能以歸函若樓考先向之况余向菊生商讓漢函云此於今
親美夫題此集有良全在得在抄披之句豈不考全併信有前傳耶 况時附志

第	35121	号
平成	3.11.22	
聖和學	928	
園短大	11	
園書館		

平
海
平
SS 11.8
平
海
平
海
平

唐

